

**ՀՀ Արագածոտնի մարզպետ Գաբրիել Գյոզալյանի շնորհավորական ուղերձը Ամանորի
եւ Սուրբ Ծննդյան տոների կապակցությամբ**

Թանկագին հայրենակիցներ, շնորհավորում եմ Ամանորի եւ Սուրբ Ծննդյան տոների կապակցությամբ:

Պատմության գիրկն անցավ եւս մեկ տարի: 2016 թվականը մարդկության պատմության մեջ կմնա իբրեւ աշխարհա-քաղաքական, հոգեւոր-մշակութային կարեւոր իրադարձություններով հարուստ տարի:

Հայ ժողովրդի համար տարին արժեւորվեց իբրեւ հայրենասիրական ոգու վերահաստատման, ազգային արժեքների գնահատման եւ ապագայի հանդեպ վճռականության ու լավատեսության դրսեւորման ժամանակաշրջան: Մենք, հիրավի, արժանապատվորեն դիմագրավեցինք մեզ վիճակված մարտահրավերները՝ ներառյալ Ապրիլյան քառօրյա պատերազմն ու դրանից բխող հետեւանքները:

Սիրելի՛ հայրենակիցներ, նոր, 2017 թվականը մուտք ենք գործում նոր մոտեցումներով ու մտածելակերպով, ապագայի հանդեպ լավագույնս տրամադրվածությամբ: Համոզված եմ, որ սիրով ու նվիրումով աշխատելու ենք զալիք բոլոր տարիներին, նոր ձեռնարկումներով, նոր ծրագրեր կյանքի կոչելով ապահովելու ենք մեր բոլորի երազած անկախ հայրենիքի վաղվա լուսավոր օրը:

Թո՛ղ որ Նոր տարին մեծագույն հաջողությունների ու կարեւոր ձեռքբերումների սկիզբ լինի, թո՛ղ խաղաղություն ու բարօրություն բերի մեր երկրին ու բոլորիս ընտանիքներին:

Սիրելի՛ հայրենակիցներ, կրկին շնորհավորում եմ ձեզ Ամանորի ու Սուրբ Ծննդյան տոների առթիվ: Մաղթում եմ առողջություն, խաղաղություն, անսահման սեր ու երջանկություն:

ՀՀ Արագածոտնի մարզպետ Գաբրիել Գյոզալյան